



# Disputatio medica inauguralis de epilepsia

<https://hdl.handle.net/1874/343795>

21.

DISPUTATIO MEDICA  
INAUGURALIS,  
DE  
EPILEPSIA,

QUAM  
AUSPICE DEO OPT. MAX.  
*Auctoritate Magnifici D. Rectoris,*

M. GERARDI de VRIES,

Philosophiæ Doctoris, ejusdemque Facultatis in Illustri  
Academia Ultrajectinâ Professoris Ordinarii,

NEC NON

*Amplissimi Senatus Academici Consensus, Nobilissimæque  
Facultatis MEDICÆ Decreto,*

PRO GRADU DOCTORATUS  
Summisque in MEDICINA Honoribus, & Privilegiis, ritè  
& legitimè consequendis,

*Eruditorum examini subicit*

MARCUS DE MEYER, LUGD.-BAT.  
*Ad diem 15. Julii, horis locoque solitis.*



TRAJECTI ad RHENUM,

Ex Officinâ FRANCISCI HALMA, Academiæ  
Typographi, clō lōc xcii.

*VIRIS integerrimis & pie-  
tate conspicuis,*

D. M A T T H Æ O  
DE MEYER,  
Chymico expertissimo, Pa-  
renti, cultu sempiterno ve-  
nerando;

M. DANIELI DE MEYER,  
Mercatori apud Lugdunen-  
ses æquissimo, fratri dile-  
ctissimo;

*Inauguralem hanc Disputationem*

D. D. D.

MARCUS DE MEYER.

DISPUTATIO MEDICA

INAUGURALIS,

D E

EPILEPSIA.

THESIS I.



Pilepsia est convulsio totius corporis interpolata, qua membra alternatim contrahuntur & dilatantur, cum mentis & virium læsione conjuncta: estque vel Idiopathica vel sympathica.

I I.

Causa Epilepsiæ Idiopathicæ est humor viscidus simul & acris in nervorum principio collectus, idque nec non spiritus animales irritans, pungens, & vellicans, sicque eosdem spiritus in irregulares spasmodicos motus incitans. Verum Epilepsia per sympathiam oritur, quum vitiosi ex ventriculo, hepate, liene, utero, aliisque partibus, humores vel vapores in cerebrum mittuntur, qui & spiritus animales, & principium nervorum graviter afficiendo, modo nunc dicto, hunc morbum excitant.

A 2

III. Me-

## III.

Metum imminentis Epilepsiæ non raro inferunt, gravativus capitis dolor, vertigo, scotomia, aurium tinnitus, timor panicus, cordis tremor & palpitatio, obstructio menstruorum, lienisque & hepatis, sanguis terrestris acris & melancholicus in corpore redundans.

## IV.

Præsentem Epilepsiam indicant, sensuum internorum abolitio, membrorum externorum vehementes spasmodicæ contractiones, oculorum conversio, dentium stridor, anhelitus impeditus, aut suspiria gravia, cum spuma ex ore, involuntariæ feminis, urinæ, & excrementorum alvi profusiones. Post aliquod tempus hæc symptomata derepente cessant, & tunc ægroti denuo ad se redeunt, ac mente constant, superstite vero post paroxysmum capitis dolore, cum torpore & sensuum hebetudine, ac non raro vertigine & scotomia.

## V.

Epilepsiæ differentia peti solet à parte affecta, nempe quod cerebrum, aut pars ejus in hoc morbo laborans, vel primario ac Idiopathicè, vel secundario ac per sympathiam cum aliis partibus afficitur: viz. cum Epilepsiæ prima quasi velitatio à ventriculo, liene, utero, intestinis, genitalibus, aut aliis visceri-

## INAUGURALIS.

scribis incipit: imprimis sc. in istorum aliquo parturatio quædam excitatur; dein ab eo auræ velut frigidæ in caput assensus percipitur: cui affectioni mox Epilepsiæ paroxysmus cum horrèndis symptomatibus succedit. Insuper plura Epilepticorum exempla occurrunt, in quibus paroxysmo ingruente, primo spasmus cum stupore in manu, aut pedis digito, aliove membro particulari sentitur, statim exinde velut cum fornicationis sensu versus caput prorepat; quod cum attigerit, illico ægrotans in terram convulsus prosternitur. Hinc vulgo creditur Epilepsiæ causam in parte ita primario affici visa delitescere, atque noxam in cerebrum propagare.

### V I.

Sed dicendum super his est, in quavis Epilepsia continentem causam omnino in cerebro consistere, nempe spiritus animales ad explodendum dispositos, ibidemque explosos, Epilepsiam inferre. Itaque si quando diathesi Epilepticæ mala cujusdam visceris, puta stomachi, lienis, aut uteri, dispositio accedat; quoties in viscere illo affecto perturbatio quædam cietur, facile contingit ob fermenti illic transmissionem, aut spasmi in caput continuationem, in cerebro prædisposito accessionem Epilepticam excitari.

### V I I.

Quoad prognosin: morbus hic difficillimæ curationis est, præsertim si sit hæreditarius. Quæ ante  
A 3 puber.

## 6 DISPUTATIO MEDICA

pubertatem invadit Epilepsia facilius curatur: Difficilius vero, quæ post pubertatem oritur. Gravissima Epilepsia non raro vel immediatè in mortem terminatur, vel in alium morbum sc. paralyfin, stupiditatem, aut melancholiam plerumque incurabilem commutatur. Qui per consensum fit morbus caducus, haud ita difficulter curam admittit.

### V I I I.

Intentiones curativæ vel respiciunt paroxysmum, eumque vel ingruentem arcent vel præsentem citius abigunt; vel morbi causam spectant, quam si tollant accessiones ejus postmodum inhibentur.

### I X.

Quantum ad priorem intentionem: spiritus animales nimis efferi & volatiles sunt figendi, nec non eorum explosiones inceptæ suppressendæ, in quos fines æger capite è terra elevandus, ne illud nimis fortiter in pavementum illidat, pollices & manuum digiti, aliæque convulsæ partes leniter extendendæ: naribus ruta viridis contrita, Camphora, castoreum, assa fætida, spirit. sal. armoniaci, cornu cervi, aut urinæ admoveatur, & Illinatur oleum fucini.

### X.

Ad secundum quod attinet: purgetur æger convenienti medicamento pro humoris maxime peccantis

## INAUGURALIS. 7

tis natura. Si vero proclivis sit ad vomitum, exhibeatur vomitorium ex infusione croci metallorum, aut tartaro emetico, aut mercurio vitæ. Deinde cerebrum roborandum, & materia heterogenea specificis antepilepticis extinguenda; inter quæ sunt radix & semen pœoniæ maris, viscum quercinum, ruta, verbena, majorana, rosmarinum, ungula alcis, succinum, castoreum, corallium, cornu cervi, cranium humanum, &c. ex quibus decocta, electuaria, pulveres, aliæve remediorum formulæ pro re nata parari possunt.

### X I.

Inter specifica igitur præsertim conducunt quævis salia volatilia & oleosa, qualia præter citata sunt, assafras, cariophylli, radix valerianæ sylvestris, flores lavendulæ, salviæ, tiliæ, liliorum convallium, crocus, myrrha, assa foetida, oleum & sal succini, spirit. sal. armoniac., &c.

### X I I.

Conducit quoque cucupham capiti impositam gestare; nec non fonticulum in cervice vel in brachio excitare.

### X I I I.

Si per sympathiam fiat epilepsia, modo dictis medicamentis addantur talia, quæ peculiariter respiciunt illam partem affectam, quæ causam morbi-  
ficam



## 8 DISPUTATIO MEDICA INAUG.

ficam ad caput transmittit; ut si vitium sit in ventriculo & intestinis, addenda sunt stomachica & amara: si in utero, hysterica, & sic de cæteris. Si ex pedis digito, aliave extrema parte malum emergat, loco affecto applicandum vesicatorium, vel cauterium potentiale.

### X I V.

In diætâ aër sit temperatus; & peculiariter cavendum ab iis, quæ paroxysmum inducunt, & malum augent, ut sunt ebrietas, ira, terror, tristitia, aspectus solis, fluminum, aquæ currentis, fumi, flammæ, rerum in orbem motarum & abominabilium. Cibi condiantur cum cephalicis, salvia, rosmarino, betonica, lauro, majorana, &c. somnus & exercitia sint moderata, excretiones naturaliter procedant.

---

## COROLLARIA.

### I.

*Hysterica passio nihil aliud est, quam  
Epilepsia sympathica.*

### II.

*In curatione Epilepsie V. S. non conducit.*

F I N I S.